

Normal nobo ta permiti pa scolnan habri. CONTAGIO ENTRE MUCHANAN TA HOPI CHIKITO!

GABINETE WEVER-CROES · TUESDAY, MAY 12, 2020 · 3 MINUTES


Aruba a drenta un otro fase cu un aire di positivismo. Nos ta den e prome nivel di e etapa nobo y poco poco nos ta drenta den e normal nobo. Siman pasa Prome Minister Evelyn Wever-Croes a presenta e cuadro di e 4 nivelnan cu ta wordo implementa y lo evalua cada nivel cu habri pa dos siman y si e desaroyo ta bon, ta bay pa e siguiente nivel. Esaki ta e caso tambe pa habrimiento di scolnan cu ta parti tambe di flexibilisacion di medidanan.

Na Aruba por a nota cu masha poco mucha bou di 15 aña a wordo contagia cu e virus di Covid-19. Na Aruba nos tin 101 caso di contagio di Covid-19. Di 0-4 aña nos tin 0 caso. Di 5-9 aña nos a conoce 2 caso di cual niun di dos a wordo hospitalisa. Di 10-14 nos a conoce 5 caso cu tampoco niun a wordo hospitalisa. Di 101 caso, solamente tawata tin 7 caso entre edad 5-14 aña. (grafico 1)



E percentahe di muchanan cu ta wordo infecta cu e virus na Aruba ta chikito, 4 % di e total compara cu adultonan cu ta 96%. (grafico 2)


CASONAN COVID-19 NA ARUBA



COVID-19 EXIT

Datanan recien di WHO tambe ta confirma cu rond mundo muchanan no ta wordo infecta mucho lihe cu Covid-19 y tampoco ta haya complicacionnan grave. (grafico 3)

DISTRIBUCION PA EDAD Y SEXO COVID-19 WHO, 18 april



Source: COVID-19 global surveillance database

COVID-19 EXIT

Den su presentacion di dialuna anochi, dr. van Trigt di HAVA a indica cu e cifranan aki ta positivo y ta muestra cu muchanan no ta wordo contagia hopi lihe cu e virus di Covid.

Tur mucha cu ta registra na Aruba cu Covid-19 a haya esaki di adultonan den nan cas. Ta sigur tambe cu e muchanan mes no a transmiti esaki na adulto ni na otro muchanan. Esaki ta

confirma cu e riesgo di contagio entre muchanan ta hopi chikito.

Mirando cu nos tin e contagio na Aruba bou control y cu e virus no ta plamando hopi mas, ta yega e momento tambe pa na Aruba nos cuminsa habri scolnan. Claro nos mester tene medidanan di precaucion y proteha esnan mas vulnerabel tanto maestronan y como studiantenan.

Tur scol mester aplica e instruccionnan y reglanan entre otro reglanan di higiena: laba man, - estructura di klasnan: bankinan etc, - limpiesa: mas regular.

“Esakinan ta e instrumentonan principal pa scolnan habri na Aruba. Pakiko? Pasobra nos no kier pa niun mucha ni niun estudiante sali perhudica. Esey te metanan cu nos tin y ta tumando tur medida di precaucion pa momento cu e ta safe y protocolnan ta in place, pa nos por habri scolnan bek. Ohala cupronto por yega na un fecha pa habri scol”, Prome Minister a duna di conoce.